



UNIVERSITÄTS-
BIBLIOTHEK
PADERBORN

Universitätsbibliothek Paderborn

Defensio Abbatiae Imperialis S. Maximini

Zyllesius, Nicolaus

Treveris, 1638

22. Henrici Tertij. Imp. Dat. Moguntiae, Anno MXLIV.

urn:nbn:de:hbz:466:1-14268

alienare, sed liceat inde illi suisque successoribus luminaria Ecclesie restaurare, ædificia recuperare, & cætera quæ necessaria, tantummodo sunt fratribus fideliter procurare, statuimus etiam & corroborare decreuimus, vt idem Abbas, suisque Successores potestatem habeant, Aduocatas suas per omnem Abbatiam, cui velint, dandi, cui velint iusto iudicio tollendi, & vt Aduocati nulli post se ponere præsumant, qui vocetur Postaduocatus, nec quisquam illorum potestatem habeat aliquã violentiã siue petitione homines grauare, aut placitum præter illa tria iure debita tenere, vel quicquam super Officiales vel Mansionarios, aut ministros, seu omnia Iura Abbatis constituere. Et vt hoc nostræ auctoritatis præceptum firmum, & stabile permaneat, manu propria corroborantes sigilli nostri Impressione iustimus insigniri.

Signum Domini Chuonradi Regis inuictissimi. Odaltricus Cancellarius ad vicem Aribonis Archicæcellarij recognoui. Data III. Idus Ianuarij, Indictione VIII. Anno Dominicæ Incarnationis MXXVI. Anno autem Domini Conradi Secundi Regnantis II. Actum Treuiris in Dei nomine, Amen.



22.

*Henrici III. Imperatoris Datum Moguntie, Anno
MXLIV.*

IN nomine sanctæ & indiuiduæ Trinitatis. Henricus diuinã fauente Clementiã Rex. Cum Regiæ dignitatis officium sit, diuersarum partium negotia piã sollicitudine præuidere, maximè tamẽ & magis propriè illius Ecclesie

utilitatibus consulere nos decet in omnibus, per quam Regni nostri statum confirmare, & contestalem nostram dotali lege & legitimo iure in Regnum nobis associare & sublimare debemus. Quapropter fidelium nostrorum tam presentium, quam futurorum vniuersitati notum esse volumus, qualiter nos de nostri statu regni tractantes, dilectissimam nobis in Christo contestalem Agnetem, à cunctis Regni nostri Principibus electam, & regali more, ac pià omnium fidelium nostrorum deuotione in Moguntinâ Ciuitate solenniter cōsecratam, & regalibus insignibus decoratam, ad honorem Regni nostri sublimauimus, corroborauimus, & secundum morem & institutionem piissimi Genitoris nostri Conradi Imperatoris inuictissimi, aliorumq; prædecessorum nostrorum Henrici, & trium Ottonum, Arnolphi, Magni Caroli, Pipini, Dagoberti, & aliorum Regum & Imperatorum vsque ad nos, cum Abbatia S. Maximini pretiosissimi Confessoris Christi, quæ in suburbio Treuirotum sita est, quam Constantinus & Helena Regina in Christo sacratissima in honorem S. Ioannis Apostoli & Euangelistæ primitus construxerant. Hanc igitur & cum omnibus rebus, Ecclesiis & possessionibus ad eam in quibuscunque locis iustè & legaliter pertinentibus, præfatam coniugem nostram, Agnetem scilicet, nobis in Christo charissimam, dotali lege & legitimâ Regni dote ad thronum & honorem Regni nostri dotauimus, sublimauimus, & confirmauimus, vt sicut reuera per B. Petrum Apostolum, & discipulos eius sanctissimos, Eucharium, Valerium, Maternum, in Treuirensi Episcopo, & inde per totam Galliam, Catholicæ fidei primitus cœpit pullulare & initiare sacramentum: ita & per hanc prædictam Abbatiam omnes Reges & Imperatores cum suis coniugibus propagandæ sobolis incrementum & Regiæ potestatis ac dignitatis semper percipiant testamentum. Decernimus etiam atque huius nostræ Regiæ auctoritatis confirmamus edicto, ne eadem Abbatia alicui Sedi vel Ecclesiæ famula aut appendix vnquam subiaceat, sed sicuti sub prædecessorum nostrorum: sic sub nostro quoque, Successorumque nostrorum Mundiburdio libera semper permaneat: Addentes videlicet & constituentes, vt Poppo eiusdem loci Abbas, sui que Successores, prænominatæ Coniugi nostræ, Agneti scilicet, alijsq; post illâ Reginis in Regali curia semper seruiant & obsequantur, & quia sub Heinrico Imperatore ea bona illis ablata sunt, vnde ad militiam ire, vel nobis in secundo semper anno Regale seruitium persoluere, vel vnde se suosque victitasse videbant, volumus atque constituimus, vt quotiescunque ad Curiam Regiam venerint, siue vocati fuerint, de Regiâ mensâ pascantur, & in curiales & domesticos Regis & Reginæ non infimi semper habeantur, sicut reuera Magistros ac prouisores illius Ecclesiæ decet, per quam Regum & Imperatorum Coniuges in Regnum & Imperium semper consecrati & confirmari videbuntur. Constituimus præterea, & ad præbendam fratrum, inibi Deo famulantium, specialiter delegamus, quidquid sub temporibus Caroli, prout ipse disposuit, aliorumq; prædecessorum nostrorum Regum vel Imperatorum ad peculiaritatem illorū pertinere cognouimus, id est, has Ecclesias Gozouesheim, Albucho, Wieldelstein, Wienheim, Diedenhoun, Winwelde, insuper omnes S. Maximini Ecclesias eū decimis & decimationibus, & omnes salicas decimationes, quas in vsu hospitū, peregrinorū ac pauperū destinam⁹: vel quidquid in his locis habere videtur hætenus, hoc est Suaueheim, Euernesheim, Hezinesheim, Mänendal, Narheim, Apula, Alfontia, Scheringesuel, Bukinheim, Symera, Basinbach, Vkinhesheim, Guntereshufun, Kuosbah, Holtzhufun, Dieffenbach, Suueppêhuzū, Riuenacho, Louuun, Ockisheim, Liezenich, Ratheresdorff, Bustat, Meisbrath

Buocheneburi, Folemaresbach, decima & Vallis cum suis pertinentijs, Marchede, Daleheim, Frisinga, Mormirdinga, Druhdilinga, Tauena, Scitelinga, Merfche, Mambra, Linnich, Euerlinga, & Fula, Arculere, Windingun, vel quod in pago Salingouue, aut iuxta Metensem Ciuitatem in Villa Willere, vel in ipsa Vrbe in vincis, aut areolis, aut agris habere videntur, & ultra Rhenum fluuium Curtem, quæ Prichina dicitur, cum omnibus ad eam pertinentibus, quam ad sagimen & femoralia, mantelas & mensalia fratrum & ad susceptionem hospitem ac pauperum, ac infirmorum curam, specialiter statuimus atque firmamus. Et ne aliquis Successorum nostrorum Regum, vel Imperatorum, neque Abbas quidquam de his rebus, præter hæreditaria illius Ecclesiæ ministris beneficia alicui præstare, vel à præbenda fratrum quoquomodo abalienare præsumat, firmiter præcipimus, & præcipiendo firmamus. Cui rei testem chartam hanc inde conscribi, & sigilli nostri impressione iussimus insigniri.

Signum Domini
Henrici Tertij, Re-
gis inuictissimi.

Euerhardus Can-
cellarius Vice Dñi
Bardonis Archican-
cellarij recognoui.
Data 8. Kal. Augusti.
Anno Incarnat. Dñi
MXLIV. Indictione
XII. Anno autē Dñi
Henrici Tertij ordi-
nationis eius XVI.
Regni vero Quinto.
Actum Moguntia in
Dei nomine felici-
ter. Amen.

